



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

### **Sancti Hieronymi Stridonensis, Sanctae Romanae Ecclesiae Presbyteri Cardinalis Epistolae In Tres Libros distributae**

**Hieronymus, Sophronius Eusebius**

**Coloniae Agrippinae, 1674**

VIII. Ad Paulum Concordien. Humanæ vitæ.

**urn:nbn:de:hbz:466:1-37862**

tiarum nihil aliud divini operis scripserim. Perdidimus enim, ut ipse nosti, repente solatium, quod (ut conscientia nostrae testis est Dominus) non ad proprias ducimus necessitates, sed ad sanctorum refrigeria, quibus illa sollicitè serviebat. Sancta & venerabilis te filia tua Eustochium, quae nullam pro matris absentia recipit consolationem, te universa fraternitas suppliciter salutat. Litteras, quos dudum scripsisse te nuntiasti, vel legendos nobis, vel vertendos trans mitte. Vale in Christo.

VIII. Hieronymus Paulo Concordiensis Aquileiensi Monacho seni. Philosophatur de hominis aetate misera, & laude vegeta senectutis.

**H**umanae vitae brevitatis, damnatio delictorum est. Et in ipso saepe lucis exordio mortis sequuta nascentem, labentia quotidie in vitium saecula proficitur. Nam cum primum paradisi colonum viperinis nexibus praepeditum coluber deduxisset ad terras, aeternitas mortalitate mutata in nongentos & eo amplius annos, secundum quodammodo immortalitatem maledicti hominis distulerat elogium. Exinde paulatim recrudescente peccato, totius orbis naufragium gigantum adduxit impietas. Post illud, ut ita dixerim, purgati baptisma mundi, in breve tempus hominum vita contracta est. Hoc quoque spatium, sceleribus nostris semper contra divina pugnantis, penè perdidimus. Quotus enim quisque aut centenariam transgreditur aetatem, aut non ad



eam sic pervenit, ut pervenisse pernitescat? secundum quod in libro Psalmorum Scriptura testatur: *Psalm. 89.* Dies vitæ nostræ septuaginta anni: si autem labor & dolor Quorsum, ais, ista tam alto repetita principio, & ita procul excepta? ut merito quis Horatiano de nobis possit sale ludere? Et gemino bellum Trojanum oritur ab ovo. Videlicet, ut senectutem tuam, & caput ad similitudinem *Cant. 5.* Christi candidum, dignis vocibus prædicemus. Ecce jam centenus ætatis tuæ circulus volvitur, & tu semper præcepta Domini custodiens, futura beatitudinem vitæ per \* præsentia exempla \* prædicat. *ta.* Oculi puro lumine vigent, pedes imprimunt certa vestigia, auditus penetrabilis, dentes candidi, vox sonora, corpus solidum & succi plenum, cani cum robore discrepant, vires cum ætate dissentiunt. Non memoriæ tenacitatem, ut in plerisque cernimus, antiquior senectus dissolvit, non calidi acumen ingenij frigidus sanguis obtundit, non contractam rugis faciem arata frons asperat, non denique tremula manus per curvos cæræ tramites errantem stylum ducit. Futuræ nobis resurrectionis vigorem in te Dominus ostendit, ut peccati sciamus esse, quod cæteri adhuc viventes præmoriuntur in carne: justitiæ, quod tu adolescentiam in aliena ætate mentiris. Et quanquam multis istam corporis sanitatem etiam peccatoribus venire videamus, tamen illis hoc diabolus ministrat, ut peccent: tibi Dominus præstat, ut gaudeas. Doctissimi quique Græcorum, de quibus pro Flæco agens luculenter Tullius ait, ingenita levitas, & erudita vanitas. Re-



gum suorum ac principum laudes acceptâ mercede dicebant. Hoc ego nunc faciens, pretium posco pro laudibus. Et ne putes modica esse quæ deprecor, margaritum de Evangelio postularis. Eloquia Domini, eloquia casta, argentum igne examinatum, probatum terræ, purgatum septuplum: scilicet et commentarios Fortunatiani, & propter notam persecutorum Aurelij Victoris historiam, simulque epistolas Novatianæ, ut dum schismatici hominis venena cognoscimus, libentius sancti martyris Cypriani bibamus antidotum. Misimus interim te tibi, id est, Paulo seni Paulum seniore, in quo propter simpliciores quosque multum in de jiciendo sermone laboravimus. Sed nescio quomodo, etiam si aqua plena sit, tamen eundem odorem lagenæ servat, quo dum rudis esset, imbuta est. Si hoc munusculum placuerit, habemus etiam alia condimenta, quæ cum plurimis orientalibus mercibus, ad te (si Spiritus sanctus afflaverit) navigabunt.

*IX. Hieronymus Rufino Aquileiensi, ut videtur, captanti tanti viri amicitiam & familiaritatem.*

**M**ultum in utramque partem crebro fama mentitur, & tam de bonis mala, quam de malis bona, falso rumore concelebrat. Unde & ego gaudeo quidem super testimonio erga me sanctitatis tuæ, & amore sancti presbyteri Eusebii: nec dubito, quin me publicè prædisetis, sed tacitum vestræ prudentiæ iudicium pertimesco. Itaque obsecro, ut magis memineritis mei, & dignum vestrâ laude faciatis. Quod primus ad officium

*Matt. 13.*

*Psal. 11.*

*NOVATIANI.*